

КОРОЛЕВ, крайин селәнә эдл-ахун управленә

ах агроном

Эн джилин хавр эврәннь йилгъвртә болджана. Дулан өдрмүд киитн өдрмүдәр сольгдна. Цагин иим бәәдл хәләгъад санамрдхмн биш. Тәрәнә газрар ус бәрхин төлә делгү самнлгъ бүрдәхмн, усн — тәрәнә амн болдг. Дакад, намрар тәргдсн тәрәг цагтнь асрхин тускар мартхмн биш.

Ольмг танъгъчд эн джилд дулин хотин культур, нег үлү эрдни-шишә тәрлгън зөвәр икдджәнә. Болв эрдни-шишән ик ургъц авхин төлә түрүн болдж энүг тәрлгънә агротехническ заавр-зокалиг кўцәх кергтә. Амн түрүн болдж эр-

дни-шишә тәрх газртан малин бог-шег, шовуна сүүр икәр цуглулдж, тарадж хайх кергтә. Тәрхләрн зуг сән гисн зябь газрар, чинртә сән экәр, кирслдж тәрәд, дакад цааранднь цаг-цагтнь асрджах кергтә. Иим агротехническ кергтөр кўцәл уга, эрдни-шишән ик ургъц авхар седхмн биш.

Колхоз болн совхоз болгънар эрдни-шишә тәрдж ургъалгъна, шишлнь механизированн звенос бүрдәлгън, эн звеност тодрха дөнъ-тус кўрглгън — селәнә эдл-ахун гардачнрин, цуг специалистнрин эркн төрнь болджана.